

TSEL A EA MOLIMO E

ETSELITSOENG RONA



'Moho joale, e bineleng holimo, haholo ruri joale.

Mohau o makatsang! mololi o monate,
O pholositseng ea soto joalo ka 'na!
Ke na be ke lahlehile, empa joale ke fumanoe,
Ke foufetse, empa joale kea bona.

Ha re inamiseng lihlooho tsa rona joale.

² Ntata rona ea Maholimong, re U leboha ka monyetla o moholo haele moo re tlamehile ho tla ho Uena. Tabeng ea pele, re ke ke ra tla haese ka Kreste. Ha ho le joalo re bea Lebitso la Hae ka pela thapelo ea rona. 'Me joale re tseba, ka Lentsoe la Hae, hore U tla e arabela, hoba re kopa ka Lebitso la Hae. E seng ka ho loka ha rona, ha rea rua letho leo re ka le etsang; empa re tla ka mohau feela, ho kopa ka Lebitso la Kreste.

³ Ntate, ho ka ba le banna le basali ba bangata ka mona, hohle ka mohahong ona bosiusg bona, bao e leng baetsalibe. Ke Uena ea shoetseng baetsalibe. Bona e ke ebe bosiu boo Molimo a tla bua le pelo ea bona le ho ba bitsa ka mohau oa Hae, ho kena 'Musong. Fana ka sena, Ntate. Mohlomong ba sentse lilemo tse ngata, ba ntse ba solla sebeng, empa ena e ke ebe hora eo.

⁴ Morena, ke U leboha, ka Billy Paul bosiusg bona. Moshanyana oa ka, mothoana oa batho, ea se nang 'me, o isoa koana le koana. Kea U leboha, Morena, ka ho mo fa Moea o Halalelang, e le tiisetso joale, ka tsatsi le leng le tlottlehang re tla boela re bona 'm'ae, tsohle li lokile, ho itoketse. Oho Molimo, Mangeloi a ke a tsebise 'me kajeno. O llile haholo lefung la hae, ho re, "Sebeletsa Molimo...tsatsi le leng Billy Paul etlaba monna 'me a amohele Moea o Halalelang." Lithapelo li arabetsoe. Molimo, hlohonolofatsa moshanyana joale. A ke a sale mehlala ea Monghali. Kamoo lentsoenyana la hae le ne le thothomela kateng ha a na a re, "Ntate, ke sa tsoa amohela Moea o Halalelang. Ke thabile haholo."

⁵ Molimo, e ke ebe bophihlelo ba—ba motho e mong le e mong ea sa tsaloang labobeli mona bosiusg bona. Ba ke ba amohele Moea o Halalelang bosiusg bona. Re entse sebe sefe feela, re ts'oarele, Morena. Folisa bakuli. Tlamella ba pelo li robehileng.

⁶ 'Me joale, Morena, ha ke tsebe le moo nka qalang teng, ho bua bosiusg bona, empa U tla iponela. Ke lumela ho Uena, ke bile ke U kopa ho re fa ho hong ho tla thusa batho, hoba re e kopa ka Lebitso la Hae. Amen.

⁷ Bakeng sa palonyana ea Lengolo mona, ho Esaia 35, ke lakatsa ho bala. Hobane, mantsoe a ka a tla hlolleha; Lentsoe la Molimo ha le ka ke la hlolleha. Ka baka leo, ha—ha ho ts'ebelso e phethehileng hantle ho sa ka ha baloa Lengolo pele.

Naha e ts'ehla...lefats'e le omeletseng mahalaopa a lona a tla nyakalla, a mele lipalesa joalo ka leshoma.

A tla mela lipalesa ka ho fetisa, a nyakalle a thabe...lifela tsa hlolo: 'me a tla fuoa khanya e tla tla Lebanone, le menono ea Karmele le ea Sharone, batho ba tla bona khanya ea JEHOVA, le boholo ba Molimo oa rona.

A le ke le feng matsoho a tepeletseng matla, le tiise mangole a tetemang.

Ereng ho ba lipelo li ts'ohileng, Betang pelo, le se ke la ts'aba: bonang, Molimo oa lona o tla ka phetetso, e leng ho putsa ha Molimo; o tla tla, o le boloke.

...o tla bula,...litsebe tsa ba thibaneng litsebe li bulehe.

Sehlotsa se tla tlola joalo ka khama, leleme la semumu le tla bina: hobane metsi a tla kolla naheng e ts'ehla, molatsoana o phalle mahalaopeng.

Mahoatata a mahlabathe a tla fetoha mats'a a metsi, naha e omeletseng e be le liliba tsa metsi:...sets'a sa liphokojoe, moo mesima ea tsona e neng e le teng, e tla ba sets'a sa moseme le loli.

'Mila o tla ba teng, le tsela,...ea khalalelo; ha ho motho ea lits'ila ea tlang ho feta teng; e tla ba ea ba ea ba lokileng feela: ea tsamaeang tseleng eo, leha e le sethoto, a ke ke a lahleha.

Teng ha ho tau, ha ho sebata se tlang ho bea leoto teng, leha e le ho fumanoa teng, empa ba lopolotsoeng ba tla tsamaea teng mono:

Ba lopolotsoeng ke JEHOVA ba tla khutla, ba boele Sione ka lifela tsa hlolo ba roetse thabo e sa feleng hloohong: lehlohonolo le thabo li tla tla ho ba khahlanyetsa, bohloko le masisapelo li balehe.

⁸ Morena a ke a ekeletse mahlohonolo a Hae ho bala—palong ea Lentsoe la Hae. Ke batla ho bua bosius bona, ha eba Molimo a rata, metsotsoana e 'maloa feela le lona. Ke tla hlokomela ts'upanako ea ka mona, hore ke se le ts'oarelle nako e telele bosius bona.

⁹ Ka mora ho ts'oarana le lits'ebelso tsa veke ena, ho leka ho bonts'a batho hore ts'abo ha e hlokahale. Ntho e mpe-mpe eo liabolose a ka e kenyang ho uena ke ts'abo. Le holane u ne u

ts'oeroe ke mofets'e 'me u sa ts'oha, le ho lumela hobane Molimo o tla u folisa, u ne u sa tl'o ba maemong a mabe hakaalo. Molimo o hlokomela hoo; hola u ne u kula, seo e ka bang sona feela, hola u ne u sa ts'oha. Ka baka leo ts'abo ke e 'ngoe ea lintho tse mpe-mpe tseo Satane a ka e ribehang holima motho.

¹⁰ Joale, vekeng ena ke lekile ho kholisa, ka Lengolo, hore motho ea tsoetsoeng labobel'i 'Musong oa Molimo ha ho letho leo a ka le ts'ohang. O boholehile, o babaletsoe ruri ka ho Jesu Kreste. "Bohle bao Ntate a Nneileng bona," O boletse, "ba tla tla ho 'Na. Ha ho motho ea ka tlang a sa ka a bitsoa ke Ntate. Ntate o tlamehile ho mo tataisetsa ho 'Na; 'me ea tlang ho 'Na, Nke ke ka mo lahlela ka ntle. 'Me bohle ba...Ha ho ea ka ba utlang letsohong la Ntate; ha ho motho ea moholo ho Eena. Ea utloang Mantsoe a Ka 'me a lumela ho Ea Nthomileng, o na le Bophelo bo sa feleng; a ke ke a tla tsuong, empa o tlohile Bophelong...o tlohile lefung ho kena Bophelong. Ea jang nama ea Ka 'me a noa Mali a Ka o na le," e seng o tla ba le, "empa o na le," lekhathe-le-joale, "Bophelo bo sa feleng, 'me 'Na ke tla mo tsosa ka letsatsi la bofelo."

¹¹ "Ha ho le joalo le se ke la soabisa Moea o Halalelang oa Molimo oo le ts'oactsoeng Letsatsi la Topollo ea lona ke oona." Ke moo he. "Ho ts'oauoa ho fihlela Tsatsi la Topollo ea hao." E seng feela ho tloha tsoseletsong ho ea tsoseletsong, empa ho fihlela Letsatsi la Topollo ea lona.

¹² Banna, kamoo Moea o Halalelang o tlieng hoseng hona le ho re hlohonolofatsa ka hoo! Ho re ts'oarella mona ho fihlela mashome a mararo ka mora 'ngoe, hoseng hona, ho tloha ho mashome a mararo ka mora robong. Kamoo A re hlohonolofalitseng!

¹³ Joale, bosiusa bona, ke batla ho bua ka...Esaia o buile mona, "Mila o tla ba teng, le tsela ea khalalelo." Joale ke batla ho bua ka, "Tsela ea Molimo," *Tsela Ea Molimo E Etselitsoeng Rona*.

¹⁴ Joale, hola ke ne ke etela Motse oa New York, ntho e fetisang ka molemo ho 'na ho e etsa hase ho leka ho fumana, ho latela thutafats'e, malulo a ka ebe moo ke tloseletsang ho ea leboea. Empa ho molemo ke ho fumana 'mapa le ho latela 'mapa, (na ho joalo?) 'mila o moholo. Ha ke sa etse joalo, ke kena mathateng.

¹⁵ Ha ho litsela tse khaoletsang 'Musong oa Molimo. Lea tseba, re leka ho khaoletsa, re ee re kene lets'eng mona kae-kae 'me re qhafutse re tebe. 'Me ke seo re se etsang ha re kheloha 'milakholo o motle oa khale oa Molimo. Molimo o betlile tselana, tsela.

¹⁶ Mohla bana ba Iseraele ba ne ba tsoa lefats'eng la Egepeta, ba ile ba latela tselana ea Molimo. Ea ba isa Leoatleng le

Lefubelu. Ho a makatsa, hore Molimo a ka betla tselana ea Hae e nyolohele mono. Empa tselana ea Hae e ne e parola Leoatle le Lefubelu hantle.

¹⁷ Ka baka leo eitse ha nako e fihla, le makhaolakhang, 'me Iseraele e eme mono ka pela Leoatle le Lefubelu, tsela ea Molimo e ne e parola leoatle. Ka baka leo Molimo oa sheba ka Topallo ea Mollo, leoatle la ts'oha 'me la honyela, 'me Iseraele ea ts'ela mobung o omileng. Tsela ea Molimo e ne e le parola.

¹⁸ Eaba O toba lefeella hantle, ho kena selibeng sa *Marah*, metsi a "babang". Na ha ho makatse ha Molimo o fetisa bana ba Oona metsing a babang? Empa bao bohle ba tsamaea tseleng. Empa boteng ba Hae mono, e ne e le pheko ea metsi a babang e emeng lebopong. Moshe a rema sefate a se lahlela ka hara metsi, 'me a boela a ba monate.

Ba bang hara metsi, ba bang hara meroallo,
Ba bang hara liteko tse tebileng, empa bohle
ka Mali.

¹⁹ Ke kamoo Molimo o tsamaisang bana ba Oona; tselana ea Molimo, tsela ea Molimo e lokisitsoeng. Hola bana ba Iseraele ba leka ho koekoetla, le ho potoloha, ho theoha le ka *mona*, ba ne ba tla kena mathateng. Ba ne ba loketse ho latela Leru la Mollo, Topallo ea Mollo e neng e ba etella pele. Ba ne ba latela Hoo.

²⁰ 'Me ha Kereke, bosiung bona, e ka latela Topallo ea Mollo, Moea o Halalelang, le tla finyella Kanana ruri. Molimo o na le tsela, tsela e lokisitsoeng.

²¹ Motho a ka latela litsela tse peli, 'me ke tsela ea hae le tsela ea Molimo, 'me ke tsela e lokileng kapa tsela e fosahetseng. 'Me kamehla tsela ea hao ke tsela e fosahetseng, 'me tsela ea Molimo ke tsela e lokileng. 'Me u ke ke ua ba tseleng ea hao le tseleng ea Molimo ka nako e le 'ngoe, ka baka leo u tlameha ho tsoa tseleng ea hao e le hore Molimo a tl'a sebetse thato ea Oona ka ho uena. Ho lokile. Molimo o betla tsela e lokisitsoeng.

²² Motho e sale a batlile ho ipetlela tsela ea hae. Ts'imong ea Edene, Molimo oa etsa motho hore a se ke a suthela letho. Molimo oa mo etsa a phethahetse, empa motho a ipatlela tsela ea hae. A batla ho tsoakanya. A batla ho sibolla. 'Me hang hoba a tlore... Re fetile moo vekeng ena, ka patlisiso ea Lengolo. A iketsetsa borapeli. A se ke a emela Molimo ho mo etsetsa bo bong. A iketsetsa bo bong, empa a fumana borapeli ba hae, seaparo sa hae, bo sa sebetse. Ha esale motho a le joalo. O ipatlela tsela ea hae. Empa Molimo o no o ena le tsela. Ka hona motho a bopa mahlaku a feiye a ikapesa oona, eena le mosali oa hae, empa, eitse ha a tla ho tobana le Molimo, a fumana hoo ho sa sebetse.

²³ 'Me kea le bolella, metsoalle, ho bile le banna ba bangata, 'me ba teng le bosiung bona, ba fihlang pheletsong ea tsela, le

tla fumana borapelinyana boo bo mohlanapana boo le its'oareletseng ka bona bo sa tl'o sebetsa. Ha ho letho le haelloang ke tsoalo ea bobeli le tla sebetsa. Jesu o itse, "Motho ha a sa tsoaloe ka metsi le ka Moea, a ke ke a kena 'Musong le ka mohla." Le ka mohla, ho sa tsottelehe ha eba e le Methodise, Baptise, Presbeteriene, seo a ka bang sona, a ke ke a kena pele a tsoaloa ka metsi le ka Moea. Ho *tsoaloa* ho bolela hore o "fetotsoe." O tlamehile ho shoa pele a ka tsoaloa. Ka baka leo u tlamehile ho ichoella, ho tsoaloa bocha, ka ho Kreste Jesu. Ke hantle.

²⁴ Joale ke batla le lemohe, a iphihlela a leka ho iketsetsa tsela. Hoseng hona, re fumane, ka moo Kaine a lekileng ho iketsetsa tsela ea hae. A theoha a nkile liapole tse 'maloa le lipere le liperekisi le mekopu, e leng hore e ne e le eng, ho li bea holima aletare le ho re, "Joale ke moo, Morena, ke hahile aletare. Ke hahile kereke. Ke setho se lokileng sa kereke." Le a bona? "Ke ea kerekeng kamehla. Ke tla koano, ho aha aletare. Ke beile sehlabelo holima eona. Joale ke tla khumama ka mangole ke rapele. 'Me joale, Morena, ke batla hore U nkamohele." Empa Molimo oa mo hana.

²⁵ 'Me moea oo oa khale oa borapeli o sa phela hantle ka hara kereke kajeno, eona ntho e ts'oanang, e tletse borapeli kamoo e ka khonang, 'me ha e tsebe letho ka Molimo joalo ka Lehotenoto le sa tsebeng letho ka lesole la Moegepeta. Lea tseba hoo ke 'neta. Meea ea borapeli! Le se ke la nahana hore Stalin ke antikreste. Bibele e itse, "Meea e 'meli tla bapa 'moho, ho thetsa bona Bakhethoa hola ke ntho e ka etsoang."

²⁶ Re fumana Judase Iskariota a theoha hantle, le ho tsoa le ho nyakalla le ho bolela Evangel; ho khutla, a hoeletsa a hloliea, 'me a thabile le barutua ba bang. Mohalaleli Mattheu, khaolo ea 10. Empa a latela barutuo hantle joalo, empa, e le liabolosi ka nama, le ho tla joalo hantle; joalo kaha Jesu e ne e le Molimo ka nameng; Kaine le Abele ho tsoa ts'imong ea Edene. Empa mohla nako ea hae ea ho nyolohela Pentekosta e ne e fihla, le ho amohela lehlohonolo, a hlahisa 'mala oa hae.

²⁷ 'Me ha u ka bua ka ho tsoaloa labobel, ho amohela kolobetso ea Moea o Halalelang, makhetlo a robong ho a mang le a mang a leshome, meea eo e tla hlahisa mebala ea eona, seo e leng sona. Ba tla re, "Ke bohlanya bo bongata. E tlöheleng." Moena, ke tsela ea Molimo e lokiselitsoeng motho kajeno. Alleluia!

²⁸ Shebang, ha esale Molimo a hlahisa tsela. Molimo o tlamehile ho etsa tsela. Molimo o etsetsa tlhaho tsela. Hobaneng re fumana meroallohali ena ho phatlalla le naха? Ho rema lipatsi tsohle le lintho tse joalo, ebe lea hoholeha. Ha u haha letamo tlase mona 'me le tlatsa lebopo la noka; ke ao a e-ea, metsi. Le ts'oenyana le hlaho. Molimo o hlahisitse tsela. Ke

eona ntho e bakang moroallo. Ntho efe feela eo motho a e hena-henang, eo Molimo a e entseng e phethahetse, moo u e etsa e sa phethahalang. Ke hantle.

²⁹ Joale, joalo feela, ho tea mohlala, joalo ka—ka matata. Ke rata ho shebella matata, ka lihla tseo ha ke il'o tsoma thabeng. Ke lule holimo nakong ea hoetla. Che, mono matata a tsoa Louisana le tlase mono, le tlase mehlakeng. Le ho nyolohela Leboea 'me a lule fats'e, a etse sehlaha a holise litsuonyana tsa oona. Mathaka ao a ntoo hola, mohlomong ho ella ho Loetse, nakong ena ea selemo, kapa ho ella mafelong a Loetse. 'Me letatanyana la khale, mokokoana, ha o eso tlohe lets'eng leo. Le lula hantle mono lets'eng.

³⁰ Ka mora nakoana serame se fofa holimo koana thabeng. Lehloa le otla holimo mono, 'me moea o mosesane o batang o foka o theoha thaba eo. Letatanyana leo le utloa ntho eo. Joale ha le eso ho ee kae-kapa-kae haese lets'eng leo feela, ha le eso ho qete le selemo. Le phahamisetsa hlooho ea lona moeeng, nkonyana eo, 'me le mathele bohareng ba lets'a, 'me le re "honk-honk," letata le leng le le leng le tla tla ho lona. Letata le leng le leng leng lea tseba hobane le tsoetsoe e le moetapele. 'Me letata leo la khale le tla phahama lets'eng leo, le sa ts'oara kompase kapa ntho efe e sele, 'me le tobe Louisana hantle, masimong a reyisi, kamoo le ka khonang kateng.

³¹ Eka Bakreste ba tlamehile ho fumana kelello ea letata, le hona. Ha ho joalo? Ho lokile. Hantle.

³² Hobaneng? U ka re, "Ke kutlo ea tlhaho." Che, a nka tsela e hlahisitsoeng ke Molimo. Molimo o a file tsela, kutlo ea tlhaho e a isang tlase mono, 'me a lumela ho eona.

³³ Empa, Molimo o fa motho Moea o Halalelang, 'me o a O latola, o inkela tsela ea hae. Empa Molimo o re hlahiselitse tsela. Alleluia! Ke ikutloa ke tletse borapeli bosiung bona, ka mora taba ena, le masiu a 'maloa ao a tsoseletso.

³⁴ Lemohang, ke eo. E, monghali. Letata le le nyenyane leo le tla theohela mono.

³⁵ 'Me ke tla le bolella ntho e 'ngoe. U ka tsoa mona oa inkela leseli la litaba; ho thoe, "Hosane maemo a leholimo a tla ba matle." 'Me u tsoe ho ea tsoma 'me u bone lipela li tloha li ea lula holima joang boo. U se ke ua tsotella maseli ao a litaba.

³⁶ U ntoo sheba motsoetse eo oa khale oa kolobe ha a thota makhapetla ka leboea ho leralla e a isa ka koana, ka nqa e boroa ea leralla, 'me e iketsetsa e—e ikalla liphate ka nqa e boroa ea leralla. E tseba ka oona ho feta baqolotsi bohle ba maseli a litaba lefats'eng. Hantle. E na le kutlo ea tlhaho. E potela ka lehlakoreng le ka boroa, ho ipatela moea oo oa leboea o theohang. [Moena Branham o kokota makhetlo a 'maloa sefaleng—Mong.] Oho, banna!

³⁷ Efela ha hoki e na le kelello e lekaneng ho ipatela moea o pholileng, ho ka thoeng ka lona ka Moea o Halalelang? Alleluia! Ke kutlo ea lona eo. E, monghali.

³⁸ 'Me Molimo o li file kutlo ea tlhaho. Ke tsela ea Molimo e hlahiselitsoeng tsona. Li phela ka tsela ea Molimo e hlahisitsoeng.

³⁹ U ka nka palesa, ha eshoa 'me e theohela tlase mobung. Hase pheletso ea eona; e boela e phela. Molimo o e hlahiselitse tsela, 'me e lumela ho eona.

⁴⁰ Haesale Modimo a ntse a hlahisa tsela. Ka nako tse ling ha e parole linthong tse monate, ka nako tse ling e parola hara mathata, empa ke tsela e hlahisitsoeng ke Molimo. Molimo oa e etsa, leha ho le joalo.

⁴¹ Ka nako e 'ngoe A ba le monna tseleng e hlahisitsoeng ke Molimo, a tlameha ho kena ka hare, ho feta lemeng la tau, empa a tsamaea ka tsela e hlahisitsoeng ke Molimo. Molimo oa boela oa mo nts'a. Alleluia!

⁴² Ke bona bana ba bang ba Baheberu ba lutse fats'e mono Babilona hoseng ho hong. Ba hana ho khumamela molimo oa bohata. Ke hantle. Ba re, "Re ke ke ra etsa hoo. Letsang 'mino 'ohle oo le batlang ho o letsa, le letse likhonete le literompeta, empa re ke ke ra khumamela molimo oa lona oa bohata." Alleluia!

⁴³ Re feng bo Shadrake, Meshake, le Abednego ba bangata, (e, monghali) ba sa tl'o khumamela lintho tsa lona tsa lefats'e. Ha rea tlameha ho ikokobeletsa eona. Molimo o re lokolotse, ka Moea o Halalelang. Alleluia! E, monghali.

⁴⁴ Joale ekare kea bona tlase mono, hoseng ho hong. Ha re—ha re—ha re sotheleng likhamera tsa rona mono motsotsso, 'me re shebe re bone. Ke bona bashanyana bao mono, hoseng ho hong. Ba re, "Joale shebang, morena o itse, 'Mang le mang ea sa tl'o khumama, re tla mo lihela seboping sa mollo."

⁴⁵ Eaba ba tloha ho ea rapela, bosiu bo bong. Tsatsi le hlahlamang, ha ho fihla molumo oa hore ba tla khumamela sets'oants'o, khele, ba se furalla.

Ka baka leo a tla, le ho re, "Bashanyana, ana le entse joalo na?"

"Ee."

⁴⁶ "Che, re tla besa sebopi, hasupa ho feta kamoo se kileng sa besoa."

⁴⁷ Joale na hoo ha ho makatse! Ho ne ho beiloe lepolanka mona, le nyolohelang molomong oa sebopi.

⁴⁸ Babilona eohle keha e tlerefetse hoseng hoo, mollo o rora. Ke bona Morena Nebukadnesare, joalo ka motho oa seojoale-joale kajeno, a lutse ka ntle mono 'me a re, "Joale re tlil'o chesa borapedi boo bohle ba Moea o Halalelang ho mathaka ao."

⁴⁹ Oh, ee, le se le la nahana hore liabolose a ke ke a le chesa. O tla hle a ho etse. Empa, le hopole, Moea o Halalelang ke Mollo ka bo-Oona.

⁵⁰ Joale, ke batla u hlokomele, tsela ea Molimo e ne e nyoloha ka lepolanka leo. Ke bona Shadrake, Meshake, Abednego, ba hoanta mohoanto oa lefu. Ke utloa Shadrake a re, “Abednego, ana u rapetse hantle?”

“E.”

“Ho lokile, he.”

“U tiile hore u tseleng ea Molimo?”

⁵¹ “E, monghali. ’Me Molimo o re boleletse Lentsoeng la Hae ho se khumamele lits’oants’o, ’me re ke ke ra etsa hoo. Molimo a ka khona ho re lokolla seboping sa mollo. Empa leha A sa ho etse, e ka ba eng. Re ke ke ra khumama. Re tsamaea ka tsela e lokisitsoeng ea Molimo.”

⁵² Ekare ke utloa motho e mong a re, “Na le tiile hobane le tseleng ea Hae e lokisitsoeng?”

“E.” Alleluia!

⁵³ Ba bang ba re, “Be, ha le nahane batho bohole ba ka loka, ho feta lona?”

⁵⁴ “Che, monghali. Bibele e boletse joalo, ’me re lula le Eona.” Ho nyoloha lepolanka ka mokhoa oo. Nka... Lebatama le le feela... Lebatama la mollo e batla e le... La ba la bolaea banna ba ba tlisitseng.

⁵⁵ Ba se ba le mothating oa ho kena ka hare. Molimo ha a eso bue lentsoe. Ba sa ntse ba tsamaea ka tsela e lokisitsoeng. Ba tsamaea ho fihla molomong oa sebopi. Ka nako eo ba seng ba ea kena seboping sa mollo ka eona... Lea tseba, ke na le sets’oants’o se setso se sebe haholo ka pela ka mona hona joale. Banna ba lekang ho phela ka bots’epéhi ho Molimo, ho tsamaea tseleng e hlophisitsoeng ke Molimo; ba itokisetsa ho chesoa. Ke sets’oants’o se se se kakang!

⁵⁶ Lemohang, nako le nako ha ho ena le ntho e etsahalang fats’e mona, ho na le ntho e etsahalang holimo Mane, ka nako e le ’ngoe. Ha re shebeng holimo Mane nakoana re bone se etsahalang. Ke ’Mona a eme mono, ’me liaparo tsa Hae tsa borena li Mo koahetse. Alleluia! Ke bona, ntho ea pele, ka letsohong le letona, ho tla Lengeloi le leholo-holo, le bitsoang Mikaele. Ba na le e Mong holimo mono. Na le ne le tseba hoo? Ke mo utloa a mathela lehlakoreng la Hae mono, a re, “Monghali!” Ke ’Mona a tsomula sabole ea Hae thebeng ea Hae, ka mokhoa oona, le ho re, “U kile ua sheba tlase Babilona hoseng hona? Ho na le banna ba tsamaeang tseleng e lokisitsoeng ea Molimo. Ho na le banna ba ikemiselitseng ho tiisa bopaki ba bona hoseng ho na. Baena ba rona ba se ba ea chesoa.” Ke Mo utloa a re, “Ere Ke theohele teng! Ke tla fetola malulo a litaba.” Ke lumela A ka be a khonne ho etsa hoo; kea lumela.

⁵⁷ Ke Mo utloa a re, “Che, Nke ke ka u lumella ho etsa hoo. Gabarie, U bile...Kapa, Mikaele, U bile Lengeloi le khabane. E-ea, busetsa sabole ea hao, ak’ueme mono ka hlompho.”

⁵⁸ Lengeloi le leng ke lena le tla. Le bitsoa Lengana; le babisa metsi. Ke Leo le tla, le re, “Monghali, sheba tlase mane. Ke ’na ea laolang metsi ’ohle. U kile ua Ntumella ts’enyehong ea moroallo, ’me ka hlatsoa lefats’e lohle, bohole haese Noe le batho ba hae. Joale,” A re, “Ntese ke theohele mono ’me ke hohole Babilona ’mapeng.”

⁵⁹ Ke Mo utloa a re, “Lengana, U ka khona, ke hantle, empa Nke ke ka U lesa ua ea. Ke mosebetsi o lekanang monna.”

⁶⁰ Oho, ke ’Mona a ema, ka *mokhoa* oo. Ba se ba tla hata mohato oa ho qetela. Ke ’Mona a nanabela koana ’me a re, “Tloo koano,” ho lehalimahali la letonana le lopaletseng mono. Oho, banna! La Mo utloa.

⁶¹ Eka kea ’Mona, ho Mo utloa a re, “Moea oa bochabela, leboea, bophirimela, le boroa, tloong koano le jare lehalima lena. Ke tlil’o le qhoba joalo ka lipere. Ke tla lula holima letolo lena, hoseng hona, joalo ka koloeana. Ke theohela Babilona, ka sebele sa Ka.” Alleluia!

⁶² Ke ’Mona a nanabela ’me a qhautsa lehalima le litseenene ’me a le qopetsa sebakeng, ka *mokhoa* oo; nakong eo ba hatang khato ea bona ea ho qetela feela, ba tsamaea tseleng e hlahisitsoeng ke Molimo. ’Me eitse ha ba hata ka mono, A pota a feta le Leoatleng la Bophelo ’me a khaola palema, ’me keha A eme tlase mono a ba fokela moea. Alleluia! Kamehla O teng ha motho a tsamaea tseleng e hlahisitsoeng ke Molimo. E, monghali.

⁶³ Ho kile ha ba le moreri oa khale oa “moshaqane,” moreri oa khale oa khalalelo morao koana, khale-khale, ea bitsoang Noe. A re, “Lea tseba, pula e tla na, ho tla sekhhohola.”

⁶⁴ Ke utloa batho ba tsamaea ba ntse ba re, “Hela, na le utloa mohalaleli eo ea thethehang oa khale holimo mono? O itse, ‘Pula e tla na.’ Khele, pula ha eso ka e na lefats’eng. ’Me e tla na? Joang, metsi ao a tla tsoa kae? Be, ha re eeng re botse mahlale ’me re fumane hore metsi a teng holimo mono na. Khele, che, metsi ha eo holimo mono. Molato ke’ng? Moreri eo oa motsofe o fapane hlooho.”

⁶⁵ Empa Molimo o itsalo! Molimo o itse, “Lokisa areka, Noe, bakeng sa pholoho ea lapa la hao, bakeng sa pholoho ea batho.” ’Me Noe a fela a ba le kelello e lekaneng ho etsa hoo. Ke phetho. A tla ’me a lokisa areka.

⁶⁶ ’Me ka tsatsi le leng, ke utloa ba bang ba bona tlase khoneng, ba bua, tlase khoneng ea khoebo. Ba bang ba bona ba

re, "Hei, le re'ng ka ts'omo eo ea pula holimo mane, motsofe eo oa khale oa moreri oa moshaqane ea reng pula e tla na holimo mane? Na le kile la utloa ntho e joalo? 'Me o nahana o tseleng e lokisitsoeng ea Molimo." O na a le ho eona. Amen.

⁶⁷ Ntho ea pele lea tseba, ha fihla letolo le lehalima. Ekare ke bona 'me kamele ea holileng, oa khale, ea holileng ntle mono, a sheba holimo 'me a re, "Ntate Kamele, na u a utloa e ne e le eng? E ne e le sealuma. Ke seo Noe a se boletseng. Ha re ee arekeng." Ba tloha ba theoha ka leralla. 'Me ke mona ho tla ntate pere le 'me pere, le tse ling tsohle ka bobeli, ho kena hantle arekeng, ka bonngoe ka bonngoe. Molimo oa koala monyako, oa nesa pula. Noe o ne a kene tseleng ea Molimo e lokisitsoeng.

⁶⁸ Ba bang ba bona ba kalla likutu, ho re, "Ke tla sesisa." Empa ke tla le bolella, eitse ha sekhoholo se qala ho befa, areka ea nyoloha. Allelua! Hobaneng? Ba ne ba le tseleng e lokisitsoeng ea Molimo. Molimo o ee a hlohonolofatse batho ba tsamaeang tseleng e hlahisoang ke Eena. O ne a sa lokisa kutu. O ne a sa lokisa sena. O lokositse areka.

⁶⁹ 'Me, kajeno, moena' le khaitseli, tsela e teng e lokiselitsoeng banna le basali, e tlang ka Jesu Kreste Mora Molimo, Ea shoeleng koana Kalvari, 'me ka Mali a Hae re na le ts'oarelo ea libe; 'me re ka amohela kolobetso ea Moea o Halalelang, e le thasiselotso ea Molimo, hore O re amohetse ho Mora oa Hae, Kreste Jesu. Re babaletsoe ka ts'ireletso! Allelua!

⁷⁰ Ke tla bitsoa mohalaleli ea thethehang, le hona, le ka hla 'na la qalella joale. Ke hantle. Ke ikutloa ke thabile ruri. Ke hantle.

⁷¹ Na le lumela Seo? [Phutheho e re, "Amen."—Mong.] Ke tsela ea Molimo eo homme ke eona feela tsela. Hase tsela ea Methodise, hase tsela ea Baptise, hase tsela ea Persbeteriene hase Pentekosta. Ke tsela ea Kreste. Kreste ke tsela e hlahisitsoeng ke Molimo. Ke sehlabelo se hlahisitsoeng ke Molimo. Ke Jehova-Rapha. Ke Jehova-Jireh. Ke Jehova-Manasseh.

⁷² Mohla Abrahama a ne a neela Isaaka, sebaka seo o ile a se rea *Jehova-Jireh*, "Morena o tla Iponela sehlabelo." 'Me ke eo, Mora oa Molimo. Amen. Molimo o ee a etse tsela ea ho phonyoha. E, monghali.

⁷³ Ho kile ha hlaha moreri oa khale ea rerang tlase mono, ea bitsoang Elisha. A nyolohela mono 'me a sheba naha eohle, a ba a re, "Kea u bolella, e mpe ho feta efe feela eo nkileng ka e bona."

⁷⁴ Morena oa khale tlase mono a ile a tloha a ea nyala Jesebele oa khale ea sa tsebisahaleng ea takiloeng, ferefef e lekaneng sefahlehong sa hae ho etsa...Eena feela mosali ea

kileng a ferefa sefahleho sa hae ka hara Bibele. 'Me na lea tseba Molimo o ile a mo etsa'ng? Molimo a mo fepa lintja. Ke eena feela eo ke mo tsebang.

⁷⁵ Ha u bona mosali ea nang le ferefe e ngata sefahlehong sa hae, na u tseba seo u ka 'mitsang sona? E re, "Lumela, Mofumahatsana Nama ea Ntja!" Ke seo a leng sona, joalo ka nama ea ntja. Oho, banna! Mamela, moena, ke sa tsoa khutla Afrika. Ntho tseo li tsoa mothapong oa bohenete. Bahetene ke bona ba itakang.

⁷⁶ Oho, moena, ha monna kapa mosali a loka ho Molimo, ha u hloke ho 'molella seo; ba a soaba, ho its'oabela. Alleluia! Ke hantle.

⁷⁷ "Mossaana, ntho ea pele ua tseba, o tla ts'oaetsa Baiseraele bana bohle ba etse eona ntho eo." Elia a re, "Morena, koala maholimo. Etsa ho hong ka eona."

⁷⁸ Molimo oa bua oa re, "Joale, Elia, ere ke u boelle seo u tla se etsa. Theoha u bue le Akabe."

⁷⁹ 'Me ke mona ho tla moreri oa khale, a theoha mono, a ithatetse ka letlalohali la nku, sefahleho se tletse hlabahlabane ea litelu eka thithiboea. A tloha a ema ka pela morena a ba a re, "Le phoka e ke ke ea bitsa . . . kapa e ke ke ea lala pele ke e bitsa." Alleluia! O ne a le tseleng e lokisitsoeng ke Molimo. E, monghali.

⁸⁰ "Ao, tloha mona uena, lehlanya tooe. Ho lokile, re tseba seo re se etsang."

⁸¹ Elia oa khale a re, "Morena, ke ts'oanelo ho etsa'ng? Ke Uena ea baballang tseleng eohle. Ke entse hoo."

Ho re, "Nyolohela molatsoaneng oa Kerithe koana 'me u itulele teng."

⁸² "Ke hantle, ke sebaka se sebe haholo, empa ke tla tloha ke itulele teng. U itse, 'Nyolohela mono.' Ha tsela ea Hao e nyolohela mono, ke tla nyolohela mono."

⁸³ Ho nyoloha le ho lula fats'e. Ho re, "Joale, Morena, ke tlil'o etsa'ng mona?"

"Lula mono. Itulele mono feela."

⁸⁴ 'Me ntho ea pele lea tseba, a qala a lapa. A re, "Morena, ke batla ke lapa." 'Me lekhoaba ke lena le etla.

⁸⁵ Ba bang ba bona ba re, "Shebang moreri eane oa khale oa mohalaleli ea thethehang ea lutseng holima thaba mane. Be, na ha a hlanye! Che, thaka leo, le lutse holimo mono letsatsing, le tla shoa. Be, ke lehlanya."

⁸⁶ 'Me ntho ea pele lea tseba, metsi a e-cha. Ha ho metsi a ho noa, tlase koana—koana naheng. Empa nako le nako enere ha Elia a batla ho noa, a iname molatsoaneng oa Kerithe le ho noa. Ere ha a lapa, lekhoaba ke lena le etla, le momme semenchisi molomong oa lona, ho re, "Ke ena, Elia."

⁸⁷ U re, “Lekhoaba le fumane kae...? U bolela hore u lumela taba eo, Moena Branham?” E, monghali. E, monghali. “U re lekhoaba leo le tliselitse Elia lijo ka lilemo tse tharo le likhoeli tse ts'eletseng?” Kea e lumela. Ho re, “Le li fumane kae?” Ha ke tsebe. Ntho eo ke e tsebang feela, lekhoaba le li fumane kae-kae, la li tlisetsa Elia, Elia a li ja ’me a phela lilemo tse tharo le likhoeli tse ts'eletseng ka tsona. Ke hantle. Ke a e lumela.

⁸⁸ Ke ntho e ts'oanang le ka... U re, “U thabisoa ke'ng hakaale? Ho etsang hore u tsokotse sephaka sa hao ke eng?” Ha ke tsebe. Ntho feela eo ke e tsebang, Kalvari e lefeletse Hoo, Bibele e rutile ka Eona, Moea o Halalelang o E tlisitse, ke E fumane. Alleluia! Ha ke tsebe le moo E tsoang teng, empa ke E fumane. Alleluia! Ke hantle. Nke ke ka u bolella le moo e tsoang teng, empa E fihlile mona. Oho, banna! E etsa hore jase ea hao e u lekane hantle. Ehlide. Alleluia! Le se ke la ferekana. Hoo ho bolela “ho rorisoe Molimo oa rona.” Amen! Hoo ho bolela “ha ho be joalo.” Oho, banna! Ehlide, bo. Ha ke tsebe...

⁸⁹ ’Me ba re o ne a hlanya, a lutse holimo mono? Banna! Ha fihla... Nako ea ho ja ha e fihla, ke mona ho fihla mosebeletsi oa mokhalate, ho re, “Ke tsena, Elia. Lijo tsa hao tsa hoseng ke tsena.” Khele, a feta halofo ea batho ba ka mona bosius bona. Ke kholoa ho se ba bangata ba nang le basebeletsi ba makhalate bosius bona. Empa a ena le basebeletsi ba ’maloa ba makhalate, makhoaba a ’maloa a mo tlisetsang lijo ka nako e ’ngoe le e ’ngoe ea ho ja. Alleluia! Thoriso! Molimo a ena le phaposi ea ho jela kae-kae; A li lokisa, ho li pheha, le ho mo romella tsona. Alleluia! Eena Molimo eo o phela le ho busa kajeno.

⁹⁰ A lula tseleng ea Hae e lokisitsoeng. Molimo oa re, “Nyolohela mono u lule teng,” ka baka leo a etsa joalo. E le phetho seo a neng a tseba ho se etsa. Le nahana’ng ka eona, le lumela hore ke ’nete? Ke eona. Amen. E, monghali.

⁹¹ Ka tsatsi le leng ngoana o ne a theoha ka seterata, ’me a re... Qetellong, e mong a re... “Oh, alleluia! Alleluia!” A sa tsoa fumana Moea o Halalelang.

⁹² Ka hona ha ba le mohetene oa khale ea lutseng mono khoneng, ho re, “U thabetse’ng hakaale, mocha?”

⁹³ Ho re, “Oho, Jesu o mpholositse a ba a ntlatsta ka Moea o Halalelang.” Ho re, “Ke thabile haholo.”

Ho re, “Sheba, u ts'oere'ng letsohong la hao?”

Ha thoe, “Bibele ea ka.”

Ho re, “Na u a E lumela?”

“Ehlide.”

Ho re, “U E lumela kaofela na?”

“Kaofela ha Eona.”

Ho re, “U lumela pale eo ea Jonase?”

“E.”

⁹⁴ Ho re, “Na u lumela hore leruarua leo le hlile la metsa monna eo?”

“E, monghali. Ke a e lumela.”

⁹⁵ Ho re, “U ka e kholisa ka mokhoa ofe o mong ka ntle ho tumelo?”

⁹⁶ A re, “Che, ha ke fihla Leholidong ke tla botsa Moena Jonase.” [Phutheho e a ts’eha—Mong.]

⁹⁷ Mohetene a bua re ho eena, ho re, “Ha ekaba Moena Jonase a le sieo Leholidong teng ho tla etsahala’ng?”

⁹⁸ Ha thoe, “U tla lokela ho ‘motsa he.” [Phutheho e a ts’eha.] Alleluia! Sebaka se seng feela se mo saletseng, ke lihele.

⁹⁹ Ha u hana tsela ea Molimo, u tlamehile ho ea liheleng. U tlamehile. Ke eona feela tsela e ‘ngoe. Ka baka leo u tsamaea tseleng e ‘ngoe kapa e ‘ngoe. Amen. Ke hantle.

¹⁰⁰ Ekare kea ’mona tlase mono, a lutse holimo mono ’me makhoa ba a mo ntisetsa lijo.

¹⁰¹ Ho tsamaea a khutlela tlase mono. A theoha leralla, tsatsi le leng. ’Me Molimo a re, “Joale lets’ a le chele. Ke batla u theohele tlung ea mohlolahali.” Ha se le sebaka seo moreri a ka eang ho sona! Molimo o mo laetse ho ea. Eo e ne e le tsela e lokisitsoeng. A theohela teng. ’Me mosali e se le Moiseraele, le hona. Che, e ne e se eena. ’Me mosali a ntse a tsamaea motsheo mono . . . ’Me eena a theoha leralla.

¹⁰² ’Me eare a sa theoha leralla, a kopana le mohlolahali oa khale a eme ka hara jarete, a roba patsi ea hae. Ho re, “Kena u mphe lijo, u ntisetsel le metsana.”

¹⁰³ A re, “Ka Jehova ea phelang, le ka moea oa hao o sa shoeng, ke saletsoe ke phofshoana e ka etsetsang mora oa ka senkhoa se le seng ka tlung. Ke thonaka lithutsoana tse peli hore ke bese senkhoa sena, ’me ’na le eena re tla se ja re ntoo shoa.”

¹⁰⁴ Ha thoe, “E-ea u nkhelle metsi, pele, ’me u bese le senkhoa u ntoo ntisetsa sona.” Alleluia!

¹⁰⁵ O tla etsa’ng? Tsela ea Molimo e lokisitsoeng ke eo. “Le batle ’Muso oa Molimo le ho loka ha Hae pele.”

¹⁰⁶ U re, “Moena Bill, ’me oa ka o balehile hae. Monna oa ka ha a batle ho lula le ’na.”

¹⁰⁷ “Batla ’Muso oa Molimo le ho loka ha Hae pele,” alleluia, “lintho tse ling tsohle li tla ekeletsoa.” Ke hantle.

¹⁰⁸ “Ke tla etsa hoo joang, Moena Bill?” Tsoele pele feela u e etse. Jesu o itse, “Ntatele.” Ke hantle. Leihlo la hao le be le leng. Ho lokile.

¹⁰⁹ 'Me ntho ea pele le a tseba, a kena ka hare, a nka lithutsoana tse peli tsena a li roba. Le tseba mokhoa oa khale oa ma-India oa ho roba patsi? E ne e le sefapano, ehlile. 'Me sefapanong, ba se hotetsa hantle mahareng. Ke hona moo mollo o no o hotetsoa teng, leifo leo la senkhoa.

¹¹⁰ Ho nka senkhoa le ho se tlisetsa moreri, 'me a ema mono a ja. Ho re, "Joale khutla u etsetse uena le mora—mora. Hoba, HO RIALO MORENA, faki e ke ke ea fela, kapa lefiso la omella, ho fihlela tsatsi leo Molimo a nesang pula lefats'eng." Alleluia!

¹¹¹ Eng? Hoba o batlile 'Muso oa Molimo pele, hoba a tsamaile tseleng e lokisitsoeng ea Molimo, Molimo o ile a mo putsa. Na le lumela hoo? [Phutheho e re, "Amen."—Mong.] E, monghali.

¹¹² Ho kile ha ba le mosali ea lahleheolang ke khaitseli ea hae. Lebitso la hae e le Lazaro. Oh, e ne e le mohlanka ea lokileng; a sa batle ho mo tela. 'Me a shoa. Mosali a romela ho ea bitsa molisa oa hae, kapa moevangeli, eo e neng e le Jesu. A ile a tsoa kerekeng, 'me a tela tsohle tseo ba neng ba ena le tsona. 'Me a romela ho ea bitsa Jesu, ho rapela, 'me A 'na a ea hojana. A boela a romela, 'me A 'na a ea hojana. A re, "Ha Ke etse letho pele Ntate a Mponts'a." Ntate a se a 'Monts'itse hore Lazaro o tla shoa.

¹¹³ A tla, ka mora nakoana, ka mora matsatsi a mararo kapa a mane. A re, "Lazaro o shoele, 'me Ke thaba ka baka la lona ha Ke ne ke se teng. Empa Ke tla ea mo tsosa."

¹¹⁴ Ka baka leo a utloa hobane Jesu o a tla, ka hona a tsoa ho Mo khahlanyetsa.

¹¹⁵ E ne e le tsela ea Molimo e lokisitsoeng eo, ho ea kopana le Jesu. E lokile, kamehla. Ha u na le masoabi lapeng la hao, ea kopana le Jesu. U na le boloetse lapeng la hao, ea kopana le Jesu. U na le masisapelo lapeng la hao, ea kopana le Jesu. Alleluia! Ha u hloka ntho efe feela, ea kopana le Jesu. Ea kopana le Eena. O ts'oere sehlare sohle, ntho e 'ngoe le e 'ngoe mono; ha A ts'oara sehlare, O ts'oere pheko. Amen.

Eaba o tloha ho ea kopana le Eena, 'me a itihela maotong a Hae.

¹¹⁶ 'Me o ne a balile pale, ka nako e 'ngoe, moo ho kileng ha ba le mosali morao Bibeleng, 'me e ne e le moShuneme. O ne a hlokometse moreri ea bitsoang Elisha haholo. Ka hona a etsa phaposinyana pela ntlo ea hae mono, a kenya bethe le kerese le setulo, joalo-joalo. 'Me Elisha a fapohela a ba a bona molemo ona 'ohle a o etselitseng moreri, ho nts'a karolo ea hae ea leshome le ntho eohle, lea tseba. Ka hoo a re, "E-ea u botse, re bone seo re ka se etsang, na nka ea buisana le morena kapa kapotene e ka sehloohong."

¹¹⁷ A re, "Ke lula le batho ba heso 'me tsohle li lutse hantle."

Ho re, “Ho lokile, e-ea u ’motse seo nka se etsang.”

Gehazi a re, “Ha a na thari. Ha a na bana.”

¹¹⁸ Ho re, “E-ea u ’molelle, HO RIALO MORENA, ‘Ka nako ena ea selemo, ho ea ka nako ea bophelo, u tla fumana mora.’” ‘Me a mo fumana.

¹¹⁹ Ngoana a hola-hola a ba lilemo tse leshome le motso o le mong kapa leshome le metso ’meli. Ka tsatsi le leng, ekaba mots’ear e o moholo, o ne a tsoile ts’imong le ntata’e, ke kholoa a ile a batoa ke letsatsi. A qalella ho lla, “Hlooho ea ka! Hlooho ea ka!” A roma mohlanka e mong le lesea, moshanyana. A ’mea matsohong a ’ma’e. Ha e le mots’ear e o moholo a shoa.

¹²⁰ Sebaka se ts’oanelehang hakakang! A mo nka a mo robatsa moalong oa moreri, moo moreri a ne a robetse teng. Sebaka se ts’oanelehang ho ea ho sona. A mo robatsa betheng ea moreri.

¹²¹ A re, “Nqhanehele esele joale ’me u nketelle pele, ’me u se ke ua emisa ho palama ho fihlela ke u laela.”

¹²² Ke rata hoo. Nketelle pele ’me u se ke ua ema! Toba pele feela. Ke hantle.

¹²³ Bothata ba eona ke hore, re ema le ho qoqa le batho ba bangata. Re ema meketjaneng e mengata ea boithabiso. Re ts’oarana le ho roka-roka ho ho ngata, le ho hlophisa moketjana oa ho hatsa, le a tseba, ho hatsa le ho roka le ho bua ka Mofumahatsana *Nyeo-nyeo*. Le a tseba kamoo ho leng kateng. Lintho tsena tsohle tse fapaneng li kena ka hara kereke. Athe, athe le lokela ho lahlela matlakala ao ’ohle ka ntle, ho fumana tsoseletso ea mehla ea khale, e rometsoeng se-Molimo; ho rapela, ho fihlela le khutlike, Leholimo le theohile ’me Moea o Halalelang o fihla joalo ka moea o fokang ka sefefo ’me o tlatsa tulo eo le batho. Amen! Ke seo re se hlokang.

A re, “U se ke ua ema.”

¹²⁴ ’Me monna oa hae a re, “Monna eo ha a Karmeles.” Ho re, “Hase khoeli e ncha kapa sabatha.”

¹²⁵ A re, “Ke khotso.” O ne a batlile ho fihla ho moporofeta. Ka baka leo a tsoelapele ho ea.

¹²⁶ Elisha a sheba le ho re, “MoShuneme eane ke enoa a tla. Ho na le phoso ka eena; ha ke tsebe seo e leng sona.”

¹²⁷ A matha a nyoloha. ’Me a re, “Na tsohle li lutse hantle ka uena le ka monna oa hao, ngoana’ hao?”

¹²⁸ A re, “Tsohle li lutse hantle.” Ke rata seo. O ne a nkile tsela ea Molimo e lokisitsoeng. Ho re, “Ntho e ’ngoe le e ’ngoe e lutse hantle joale.” ’Me eaba o qalella ho e senola.

¹²⁹ A laela Elia, ho re, “E-ea, nka lere la ka ’me u le bee...” Kapa, ho laela Gehazi, “E-ea u nke lere la ka ’me u le bee holima ngoana.”

¹³⁰ Empa a re, “Nke ke ka u tlohela.” Ka hona moporofeta a khutla, a rapela, a ea holimo le tlase ka phaposing, a robatsa ‘mele oa hae holima ngoana ea shoeleng, ‘me a phela.

¹³¹ Mosali, Marethia, a tseba hobane moShuneme o ile a elelloa hobane Molimo o no o ahile ho moporofeta oa Hae. ‘Me ha eba Molimo o no o ahile ho moporofeta oa Oona, ruri Molimo o no o ahile ka ho Mora oa Oona. Kahoo hola a ka fihla ho Jesu, o ne a tla fumana sehlare. Kahoo o a matha o itihela ka pela Hae. A re, “Morena, hojane . . .” Ke seo A neng a le sona. “Morena, holane Ua ba teng, khaitseli ea ka ba a sa ka a sho. Empa, le joale, tsohle tseo u li kopang ho Molimo, Molimo o tla se etsa.” Oh, ke rata hoo. “Le joale, tsohle tseo U tla li kopa ho Molimo. Molimo o tla se etsa.”

¹³² Ho lokile bosius bona. U re, “Ke moetsalibe, Moena Branham.” Le joale, sohle seo u se kopang ho Molimo, Molimo o tla se etsa. “Nkhauhele ‘na, moetsalibe,” ‘me O tla se etsa. Ha u kula, “Nkhauhele, Morena,” ‘me O tla se etsa le joale. U re, “Ngaka e ntetse; empa, le joale, Morena! Ha ke eso tsamaee ka lilemo tse hlano; empa, le joale, Morena! Ha ke eso utloe letho, ha ke tsebe neneng; le joale Morena. Ha ke eso bue lentsoe, nke ke ka u bolella neneng, empa le joale, Morena.” Sohle seo u se kopang ho Molimo, ‘me O lutse letshong le letona la Ntate, ke ‘muelli oa maipolelo a lona. Alellua!

Ho re, “Le joale, sohle seo O se kopang ho Molimo, Molimo o tla se etsa.”

¹³³ A otlolla ‘mejana oa Hae, ho re, “Khaitseli ea hao o tla tsoha hape.”

¹³⁴ Ho re, “Oh, e, Morena, tsohong ea bohle ka letsatsi la bofelo, o tla tsoha hape.”

A re, “Ke ‘Na tsoho le Bophelo.” Oho, banna!

¹³⁵ Bibele e itse, “Ha ho botle bo ka talingoang ho Eena, Lethaka le bonahalang le Fokola.” Empa A re . . . Ha A Ikotlolla, E ne e le Molimo.

¹³⁶ A re, “Joale khaitseli ea hao o tla tsoha.” Ho re, “Ke ‘Na tsoho le Bophelo,” ho rialo Molimo. “Ea lumelang ho ‘Na, leha a shoele, o tla phela. Ea phelang ‘me a lumela ho ‘Na a ke ke a sho. Na u lumela sena?”

¹³⁷ A re, “E, Morena. Kea lumela hore U Mora Molimo ea neng a tla tla lefats’eng.”

¹³⁸ Ho re, “Le ‘meile kae?” Ke enoa A tla lebitleng. Jesu a lla.

¹³⁹ Mosali o kile a re ho ‘na nakoana e sang kaalo e fetileng . . . mosali ea lokileng haholo, Mokreste wa Mahlale ea neng a sa lumele hobane Jesu o ne a . . . le BoMolimo. A lumela hore E ne e le moporofeta. A lumela hobane E ne e le monna ea lokileng, empa O ne a sa—O ne a sa tsoaloa ke moroetsana. Ba latola tsoalo boroetsana.

¹⁴⁰ Hase hoo feela, empa tekolo e bonts'itse liperesente tse mashome a robeli a metso e mehlano tsa bareri ba Protestanta ba Linaha tse Kopaneng ba re tsoalo ea boroetsana e ne e le qhekanyetso. Hantle. Nka khona habonolo, nka nahana joalo habonolo ho ea kamoo le e phelang kateng. Eo ke 'nete hantle, ba lumela e ne e le qhekanyetso. 'Me peresente e fetang eo keha e sa lumele hobane Jesu o tla boela a khutla ka ho bonahala. Ha ho makatse ha re hloka tsoseletso!

¹⁴¹ Moena, mamela mona. Le ee le utloe haholo ka tsoseletso, kajeno. Ha re eso ho ka re ba le tsoseletso.

¹⁴² Hase khale haholo, ha ke ne ke sala monna e mong morao, etsoe ba bua haholo ka taba ena. Ho re, "O ne a kena motseng o mong 'me a fumane lits'okoloho tse likete tse hlano." Ra e sala morao hantle (e seng 'na) sehlopha sa bareri, 'me ra nka likarete ra boela ra ba sala morao, 'me matsatsing a mashome a mararo keha ba sa thole ba mashome a mararo ba ipoletseng ba pholositsoe. Le tseba seo ke se nahantan? Ke nahana e le kholiseho sebakeng sa ts'okoloho, ha motho a tsoetsoe la bobeli ke Moea oa Molimo.

¹⁴³ Seo re se hlokang kajeno hase kopano ea tiehiso, empa ke tsoseletso ea mehla ea khale, e rometsoeng se-Molimo, ea Moea o Halalelang; borapeli ba mehla ea khale, bo boputsoa ba leholimo, bo rinyang sebe, bo hlatoitsoeng ka Mali. Amen. Bo etsang hore u khutlise dithulisi tseo tsa ditaere 'me u bake. Ke hantle.

¹⁴⁴ A re, eaba o re, "Be, sheba mona, Moena Branham, nka u kholisa hore E ne e se letho haese monna oa tloaelo feela."

¹⁴⁵ Ka re, "Ak'u etse joalo. Ha u ka nkhолisa hore E ne e se Molimo, ke tla e amohela he."

¹⁴⁶ A re, "Che, O ne a sa Halalele. E ne e le monna feela. 'Me nka kholisa hoo ka Bibele, hore E ne e le monna feela."

¹⁴⁷ Ka re, "Ha u ka nkhолisa eona ka Bibele, ke tla e amohela he."

A re, "U itokisitse?"

Ka re, "E, bo."

¹⁴⁸ A re, "Mohla A ne a theoha, ho Mohalaleli Johanne 11, mohla A eang lebitleng la Lazaro, O ile a lla."

Ka re, "Hoo ho amana joang le eona?"

¹⁴⁹ Ho re, "Khele, hoo ho kholisitse hore E ne e se letho ha e se monna feela, O ne a lla."

¹⁵⁰ Ka re, "Sheba mona, mofumahali. E ne e le monna, ke 'nete, empa O ne a fetisa monna. E ne e le Molimo-Motho."

¹⁵¹ Molimo o ne a le ho Kreste, a khutlisetsa lefats'e ho Eena. E, monghali. O tlie ho tla etsa thato ea Ntate. O ne a tsamaea

ka tsela e lokisitsoeng ea Molimo. O ne a sa shebe ka ho le letona kapa ka ho le lets'ehali; A etsa seo Molimo a itseng se etsoe. E ne e le tsela e lokisitsoeng ea Molimo.

¹⁵² 'Me tseleng e eang ho Lazaro, O ile a lla. E ne e le motho ha A ne a lla.

¹⁵³ Empa ha A ne a eme mono pela lebitla, moo monna a ne a shoele matsatsi a mane; liboko tsa letlalo li nyeunya li kena li tsoa 'meleng oa hae, le ka lephoka hohle mono; eitse ha A re, "Lazaro, tsoa mono," monna ea neng a shoele matsatsi a mane, a ema ka maoto a hae 'me a boela a phela. Hoo ho ne ho fetisa motho. Alleluia! E, monghali. E ne e le monna ea llang, empa E ne e le Molimo tsohong.

¹⁵⁴ E ne e le motho mohla A theohang thabeng, bosiung boo, a lapile, a qamaka, holima lifate, ntho e jeoang. E ne e le motho ha A ne a lapile.

¹⁵⁵ Empa ha A ne a nka libasekeiti tse hlano le likotoana tse peli tsa hlapi, 'me a fepa likete tse hlano tsa batho, hoo ho ne ho fetisa motho. Eo e ne e le Molimo nameng. Alleluia!

¹⁵⁶ E ne e le motho mohla A robetseng seketoaneng bosiung boo, mohla matla a ne a tsoile seaparong sa Hae; ho fihlela A fokola hona, leoatle le matla le rora, batemona ba likete tse leshome ba hlapanya hore ba tla Mo qwelisa bosiung; mohla mokoroana oo oa khale, o isoang koana le koana mono, eka sepako sa bottolo leoatleng le matla. Kea tseba hore E ne e le motho mohla A ne a robetse mono, a khalehile, empa ha ba ne ba re, "Ha U tsotelle ha re timela?"

¹⁵⁷ O ile a hloma leoto la hae moeling oa mokoroana, ho re, "Khutsa, u re tuu," 'me ha eba le khutso. Hoo ho ne ho fetisa motho. Alleluia! Eo e ne e le Molimo oa ka. Alleluia! Hantle, E ne e le eena; e, ruri, ke eena.

¹⁵⁸ E ne e le motho mohla A leketlang Kalvari, mohla ba Mo fang tlota e kholohali eo ba kileng ba Mo eona. Ha ba re, "O pholositse ba bang, Eena ha A ipholose." Ke tlota e khabane hakakang, kapa thoriso, eo ba Mo fileng eona. Hola A pholosa ba bang bana le Eena 'moho, O ne a ke ke a pholosa ba bang. Ka baka leo, A tlameha ho Inehela, A tle a pholose ba bang. E ne e le motho mohla A ne a llela ho hauheloa, ha A ne a re, "Molimo oa Ka, Molimo oa Ka, U Ntahletse'ng?" O shoele joalo ka motho. E.

¹⁵⁹ Empa mohla A ne a tsoha hoseng ha Paseka, O kholisitse hore E ne e le Molimo. Ha ho makatse ha moporofeta a itse:

O nthatile, ka ho phela; A mpholosa ka ho
shoa;
Ka kepelo, O lahletse 'be tsa ka hole;
Ka tsoho, A ntokafatsa ka mehla;
Tsatsi le leng O a tla, oho tsatsi le tlotlehang!

¹⁶⁰ Alellua! Kea Mo rata. Le lona? [Phutheho e re, “Amen.”—Mong.] Le tsamaee tseleng e lokisitsoeng ea Molimo.

¹⁶¹ Ke bona banna ba bohlale, ka mohla o mong, ba ea tsoalong ea Hae, ho ea Mo khumamela. Ke ba bona ba itokisa. Ba belesa likamele tsa bona.

¹⁶² Ke bona Jim Jones le bao bohle, le John Doe, ba belesa. Ke ba bona ba phahlela litafole tsena tsa likarete, ho li bea ka lehlakoreng joalo, ba ba ba bea le ntho tse ling tsohle, ‘me ba il’o khumamela Jesu. Ba fumana hore, ha ba fihla mono, ba qeta ka hore likamele tsa khale ha li khone ho tsamaea.

¹⁶³ Ke bona bothata ba kereke kajeno lena. Le belesitse lefats’e le le ngata ho eona, le le khutlisetsa morao. Ke hantle.

¹⁶⁴ Ke ’mona a tsoa joalo, le bao bohle. Ba fihla koana mosikong oa thaba, ha ba khone le ho feta, hobane, “Monyako o patisan le tsela e ts’esane, empa ba e fumanang ha ba bakae.” E, monghali.

¹⁶⁵ Ke bona thaka le leng la khale le belesa, lea ipebofaletsa, hobane, “Ke belesa, ho ea Leholidong.”

¹⁶⁶ Moena, ha ke belese, ho ea Leholidong. Kea bofolla, ho ea Leholidong. Alellua! Hape, Tlhoibilo, khaola lintho tsohle. Bibe e itse, “A re ke re lahleng hohle ho re imelang, le sebe se ts’oasang feela, re ke re titime ka mamello peisong ena.”

¹⁶⁷ Ke bona thaka leo la khale le tsamaea, le a bona. Ke bona mosali oa hae haufi mono, ho re, “John, molato ke’ng, moshaana? U ea kae?”

Ho re, “Ke il’o khumamela Morena.”

“U tseba joang hore u a tsamaea?”

“Che, kea tsamaea.”

¹⁶⁸ “Be, ha u na le ts’upakhutlo. Ha u na le laksense ea boruti. Molato ke’ng ka uena? Ebe ba tla u amohela le hona? U il’o khumamela Morena?”

“E.”

“Nka ts’upakhutlo ea hao.”

“Che, ha ke e hloke.”

“Ha u e hloke? U tla fihla joang mono?”

¹⁶⁹ Ke ’mona a supa Naleli ea meso, ho re, “Ke tsamaea ka tsela a lokisitsoeng ke Molimo.” Amen. Molimo o no o lokisitse Naleli, ho tsamaisa banna ba bohlale. Ba ne ba sa hloke ts’upakhutlo. Ba ne ba hloka tsela ea Molimo e lokisitsoeng, Naleli. Thoriso!

¹⁷⁰ ‘Me ’ona Molimo o isitseng banna ba bohlale ho Kreste, ka Naleli, o mona ka sebopoho sa Moea o Halalelang, ho le isa ho Kreste, Tsoalo e Ncha, kolobetso ea Moea o Halalelang, e leng

tsela e lokisitsoeng ke Molimo. "Motho ha a sa tsoaloe ka metsi le ka Moea, a ke ke a bona 'Muso oa Molimo.' Banna le basali, na le O amohetse?"

¹⁷¹ Nako ea ka e felile. Oho, banna, eka nka kena ho eona feela. Ho sunya letsoho la ka tlase mekotlaneng ea borikhoe ba ka, le ho rera joalo ka moreri oa khale oa sassafras. Hobaneng? Ke a e rata. "Moshaana, ke rata ho ja lebejanapo," empa u tlameha ho fumana nama ea kolobe le linaoa ho its'oarella lephakong la hao. Ntho e 'ngoe e ka re fepang, e ka u nokang. Ke seo re se hlokang. Ha le e lumele na? [Phutheho e re, "Amen."—Mong.] Ruri.

¹⁷² Molimo o na le tsela e lokisitsoeng. Na le ho Eona bosiusing bona? Na le amohetse Moea o Halalelang ho tloha le lumetse? Joale lona metsoalle ea ka e lokileng ea Baptise, ka ho tseba hore ke bile setho... Ke ne ke le mo-Baptise, le molisa oa ka mona ke mo-Baptise. Empa ke batla ho le bolella taba. Liketso 19 e re, "Na le amohetse Moea o Halalelang ho tloha le lumetse?" E seng *mohla* le lumelang, empa "ho tloha" le lumetse. E, monghali. Ha u eso etse joalo, O etselitsoe uena bosiusing bona. Molimo o na le tsela e lokisitsoeng.

¹⁷³ Moena, khaitseli, u se ke ua leka ho inkela tsela ea hao. Le se ke la feta le mahlakung a feiye. Le se ke la sesa ka kutu ea patsi, joalo kaha ba lekile ho etsa mehleng ea ts'enyeho ea moroallo. Le se ke la koahela ka mahlaku a feiye, joalo kaha Adama a entse. Le se ke la leka ho nka tsela ea Nebukadnesare, ho hlorisa Kereke ea Molimo. Le se ke la tsamaea ka litsela tsena tsohle tse fapaneng, libopeho tsena le litsela, tseo re ka li bal... re ka bala tse ngata.

¹⁷⁴ Le se ke la tsamaea joalo kaha Baifarasi ba entse, motho oa morapeli ruri, ho re, "Joale sheba mona, re lutse sebakeng se holimo. 'Me ha ntho e ka ts'oana e hlahla, re tla tseba hohle ka eona."

¹⁷⁵ 'Me Molimo oa nyenyelepa mono, 'me a tsoala Ngoana mono sejelong sa Bethlehem, ho Mo theolela ho lefats'e; le ho tsoa lefats'eng, kahlolo ea lefu; 'me keha ba sa tsebe letho ka eona. Hantle! Tsela ea Molimo e lokisitsoeng.

¹⁷⁶ Oh, ho kile ha ba le mosali, ea neng a sebelisitse chelete eohle a nang le eona. Allelua! Lingaka li sa khone ho mo thusa. 'Me ka tsatsi le leng o ne a se a batla ho akheha. A ile a ts'oaroa ke phallo ea mali ka lilemo, tse ngata-ngata. 'Me ka tsatsi le leng a utloa molumo oa seketoana. A sheba, 'me bonang tsela e lokisitsoeng ke Molimo e ne e hlahile! Hoo ke...?...Oho, banna!

¹⁷⁷ Ke 'mona a fihla mono ma-Baptise a phahameng, a maemo. "Matsatsi a mehlolo a fetile." A hahaha a tsoa ka lipaka tsa maoto a bona. Ba ne ba loketse ho sutha.

¹⁷⁸ Ke 'mona a fihla mono ha Brigham Young le basali ba hae bohole; a feta joalo a ikela. O ile a reng?

¹⁷⁹ Ke ba utloa ba re, "Ema hona mono! U ea kae, ngaka e ke ke ea u thusa ka letho? U tla ea kae he? Ke u bone tlase mane, ka phallo eo ea mali."

A re, "Ke tsamaea tsela e lokisitsoeng ke Molimo."

¹⁸⁰ "E hokae? Ha u bue ka moikaketsi eo holimo mane, ha ke re?"

"Ke hona moo e leng teng. Ke kena hantle ka hare."

¹⁸¹ A phunyeletsa, a bile a potoloha, a ba a fihla ho lethaka lena mona. 'Me e ne e le setho sa—sa kereke ea *mofuta* oona, le *sena*, le *sane*, 'me bohole ba leka ho mo sutumeletsa morao. Empa a toba ho Jesu.

¹⁸² Bang ba bona ba re, "Be butle, khaitseli. Ha u ja nama, u ke ke ua khona." U na tsamaea tsela e lokisitsoeng ke Molimo.

¹⁸³ "Ha u eso ka u ts'oara linoha, u ke ke ua khona." O ne a tsamaea tsela e lokisitsoeng ke Molimo. O ne a batla ho fihla ho Jesu. Ke hantle.

¹⁸⁴ Ke hopola Davida oa boholoholo. Alellua! E, monghali. Mohla a neng a re ho na le...Moo a neng a bua ka...A re, "Latsoa 'me u bone hobane Morena o monate. Eka makheha a linots'i lefikeng." Tlhaloso ea khale eo ke ne ke tloaetse ho e sebelisa, ke nahanne ka letloana la khale leo ba neng ba tloaetse ho le jara lephakong *mona*, mokotlona oo ba neng ba o ts'ela makheha a linots'i, balisa ba khale ba ne ba etsa joalo. 'Me enere ha li kula ba fane ka...nku e kula, ba ngoathe makheha a linots'i mokotlaneng oa letlalo ba a tlotse lejoeng la kalaka, 'me ba bitse nku e kulang le ho nyekisa nku e kulang eo lejoeng leo. 'Me enere ha li nyeka makheha a linots'i lefikeng, e ne e nyekella le lejoana leo la kalaka ha e nyeka makheha a linots'i. 'Me na le tseba se neng se etsahala? Nku e kulang e ne e fola.

¹⁸⁵ Joale sheba mona, moena. Ke ts'oere mokotla o tletseng Tsona, bosiung bona. 'Me nke ke ka li tlotsa kerekeng ea Baptise, kerekeng ea Methodise, kerekeng ea Presbeteriene, kapa kerekeng ea Pentekosta. Ke Li tlotsa ho Kreste Jesu, moo Li ts'oanetseng teng, 'me lona linku tse kulang le nyeke 'me ruri le tla fola molemo ho Tsona. E, monghali. Le nyeke Eena. Joale ka monnamoholo eo, ho patoa, le...?...Nyekang Eena; le tla e fumana.

¹⁸⁶ U se ke ua tsotella seo kereke ea hao e se buang. Tsepamisa maikutlo a hao ho Kreste. Mo latele, hoba, ka ho Eena, Kereke ke Eena! Kea bona, tsamaea ka tsela e lokisitsoeng ke Molimo. Ha A eso re Methodise e ne e le tsela e lokisitsoeng ke Molimo, hape ha A eso re Baptise e ne e le eona, kapa kereke e 'ngoe e sele. O itse, "Ke 'Na Tsela, 'Nete, le Bophelo."

U re, “Che, E ka tseba joang hore ke ka ho Eena?”

¹⁸⁷ “Ka Moea o le mong re kolobelelitsoe bohole Moeeng o le mong, ho fetoha litho tsa ‘Mele oo.’ Bakorinthe ba Pele 12, ke hantle, ho busoa ke Molimo . . .

¹⁸⁸ Ntho e ’ngoe le e ’ngoe eo A e ruileng ’Musong oa Hae ke ea rona. O nka feelsa Buka eohle e kholo e tletseng licheke, ’me O saena Lebitso la Hae tlase, ho re, “Ke ena, mora. Ntho efe feelsa eo u e hlokang, e-ea u e fumane.” Amen.

¹⁸⁹ Se ts’abeng ho e tlatsa. E tlatseng ’me le neelane ka eona, ho re, “Kea U leboha, Morena.” Alleluia! E tla etsoa.

¹⁹⁰ “Sohle tseo le se hlokang,” Mareka 11:24, “ha le rapela, le lumele hore le tla se fumana, le tla se fumana.”

¹⁹¹ Tekena cheke, u re, “Morena, ke hloka pholiso.” E tabole, u re, “Ke moo he, Morena, ke kopa pholiso ka Lebitso la Jesu.” Ho re, “Ke a U leboha, Morena,” ebe u tsoela pele, lumela pholiso. ’Me e khutla hantle, joalo ka makhoaba ao a tlisetsang Elia lijo. Ke moo he.

¹⁹² Ho re, “Ke hloka pholoho ea moea oa ka.” U tla etsa’ng? Ngola feelsa u re, “Ho itsoe, ‘Tloong ho ’Na, lona bohole ba khathetseng ba imeloang; Ke tla le fumanela phomolo.’ E etsilitsoe ’na, Morena.” Tlatsa cheke. “Ke hloka pholoho. Mphe eona, Morena.”

“Ke Ena.”

“Ke a U leboha, Morena.” Tsamaea le eona.

¹⁹³ U hloka Moea o Halalelang? E, monghali. “Le Lule motseng oa Jerusalema le tle le be le apesoe ka Matla a tsoang Holimo. Etlare hobane Moea o Halalelang o theohele holima lona, le tla ba lipaki tsa Ka Jerusalema, Judea, le Samaria, le ho isa dipheletsong tsa lefats’e.” Le a E lumela? [Phutheho e re, “Amen.”—Mong.] Tlatsang cheke le e romele, e tekennoe, le bone se etsahalang. Molimo o tla fana ka Eona. Tsela e lokisitsoeng ea Molimo. O u lokiselitse Buka ea cheke, e-ea u e tlatse. Molimo o E ts’episitse. Na le lumela seo? [“Amen.”] Ehlide. Kamehla Molimo o na le tsela e lokisitsoeng.

¹⁹⁴ Ho kile ha ba le mothaka oa khale ea bitsoang Jariuse, ka tsatsi le leng. Oh, a batla a ikamahantse le sehlopha sa batho ba sa lumeleng.

¹⁹⁵ Joalo ka boholo ba bareri, ba ikamahantse ka ho ts’oana kajeno. Bibebe e itse, “Se sikareng joko e le ’ngoe le ba sa lumeleng.” Ke hantle. Ntho ea pele lea tseba . . .

Kea ipotsa hore ke mang ea buileng joalo? Ke uena?

¹⁹⁶ Che, Bibebe e itse, “Mehlolo e tla tsamaea le ba lumelang ke eona ena. Ka Lebitso la Ka ba tla leleka batemona, ba tla bua ka lipuo tse ncha, ba tla ts’oara linoha, ba tla noa lintho tse bolaebang; ha ba bea matsoho holima ba kulang, ba tla fola.”

Ha u rera taba Eo, kahara halofo ea likereke, kajeno, ba tla u kharameletsa ka ntle ho monyako. Ke hantle. Ke hantle. Tsel a Molimo e lokisitsoeng ha e tsejoe, empa ke seo A se boletseng. Ke seo Jesu a se boletseng. Lea e lumela? [Phutheho e re, "Amen."—Mong.] E, monghali.

¹⁹⁷ 'Me joale ha A fela a boletse joalo, amen, kea e lumela. Ke nahana E le 'Nete, 'me ke tsamaea tseleng ea Hae, seo A itseng se etsoe. 'Me O se thasiseletsa ka mehlolo, meeka, e tsamaeang 'moho. Ke hantle.

¹⁹⁸ Ka baka leo le etse eona ntho eo, le tsamaee ho eona hantle. Ke ea bohle... E mong le e mong ea ratang, a ke a tle. Tloong. Molimo o le bitsitse, le tlamehile ho tla, ka baka leo tloong. Le se ke la lieha. Inkeleng eona, bosuing bona.

¹⁹⁹ Ke bona thakanyana lena la khale; la ipapaisa. O ne a rata Jesu, empa leha ho le joalo a batla a le... A sa batle ho lahleheloa ke botumo ba hae, lea tseba, lihlohonolofatso. Kahoo ba tsoa; ba etsa joalo.

²⁰⁰ Ka baka leo Morena a re, "Joale shebang thaka lane tlase mane. Ke mo reretse Bophelo bo sa Feleng esale pele, 'me ke eo o hara sehlopha seo sa batho ba sa lumeleng. Ka baka leo Ke tla mo lokisa." A lumella morali oa hae ho kula.

A re, "Che, ke tla bitsa Ngaka Doe."

²⁰¹ Ngaka Doe a mo hlahloba. A re, "Mothapo oa hae o ntse o kokobela, Jariuse. Ke tla u bolella seo u ka mpang ua se etsa; re ka mpa ra etsa *hona, hoane.*" Eaba o mo fa lithethefatsi tsohle, le ntho tse joalo. A 'na a tsoela pele hantle, ho shoa.

²⁰² Eaba o re, "Ke—ke—ke kea ipotsa ebe Molimo o na le tsela e lokisitsoeng na?" Oho, banna!

²⁰³ Eena Monna eo a mo nyatsitseng hakaalo, mabapi le pholiso ea Khalalelo! Kapa, ho utloa tsa Hae, 'me a re, "E. E. Eh-heh."

"Jariuse, ha u hopole hore Ke moikaketsi?"

²⁰⁴ "Che," ho rialo Moea o Halalelang, "Hase moikaketsi. U lumele ho Eena."

²⁰⁵ "Oh, ke hantle, ee. Oh, ke—ke—kea kholoa ke Eena."

²⁰⁶ Lea bona, ba bang ba bareri bana ba moeling ba joalo, ke hantle, ho ts'aba feela. Oh, Molimo a ke a nts'e lefufuru ho uena le ho u kenya lesapo la mokokotlo!

²⁰⁷ Ke rata seo bopaki ba Buddy Robinson bo leng sona. O itse, "Morena, mphe lesapo la mokokotlo le boholo ba kutu e sagelang patsi. Kenya lerata le ngata mathuleng a moea oa ka. 'Me ke 'ne ke loants'e liabolosi leha ke setse ka leino le le leng, 'me ke ntoo mo hlafuna ho fihlela ke eshoa." Ke rata seo. Ke hantle. A re, "Nkile ka ba le ntja ea khale e ts'oarang rakhuni.

Ea shoa, e se e tsofetse. Ea ts'oara rakhuni ho fihlela e sa sala le ka leino le leng, eaba e hlafuna rakhuni eo feela, 'me e hlabe seboko." Ke rata hoo. Hantle! Allelu!

²⁰⁸ U re, "Moena Branham, ha ke na le thuto e ngata hakaalo. Ke monyenyan. Bareri ba tla nkhana!"

²⁰⁹ Ha re khutleng paleng feela. "Hase boholo ba ntja ntoeng; ke boholo ba ntoa ka hard ntja." Ke seo e leng sona kajeno! Ema mono! Ha ke u bapise le ntja, empa ema mono.

²¹⁰ Joalo kaha morena oa khale a boletse tsatsi le leng, mohla a ne a itokisetsa ho tsamaea.

Ho re, "U ntse u ea joang, morena?"

²¹¹ Ho re, "Ke batla ho u joetsa, moena." Ho re, "Ho na le lintja tse peli ka ho 'na. E 'ngoe e nts'o 'me e 'ngoe e ts'oeu. E nts'o e batla ke etse bobo, 'me e ts'oeu e batla ke etse botle." Ho re, "Ha li phetse ho loana le ho qabana."

Ka re, "Ho hlola efe, morena?"

Ho re, "Ho tsoa hore na morena o fepa efe haholo."

²¹² 'Me hoo ho batla ho lokile, le hona. E, monghali. Ho lokile, moena. Kea le bolella, seo lefat'se le se hlokang bosius bona ke ho tsukutloa ho iphotlileng ha mehla ea khale.

²¹³ Jariuse a re, "Joale be butle motsotso." Morali a hla a kula haholo. Ts'epo e neng e le teng feela, ho mo fumana le ka mohla, e le ho ea ho Jesu. A...Ba raoha ho ea ho Jesu.

²¹⁴ Eare a sa le tseleng...Ekare kea 'mona ha a fihla holimo mono. 'Me mosali a sa tsoa folisoa phallo ea mali. Ke enoa o tsamaea joalo, a re, "Morali oa ka o robetse joale...Ha ke tsotelle seo moprista a se buang, seo mang feela a se buang. Na U ka tla, ho bea matsoho a Hao holima hae? Kea lumela hobane ke Uena tsela e lokiselitsoeng pholiso ea hae ke Molimo. Na U ka tla, ho bea matsoho a Hao holima hae, o tla fola?"

Ho re, "Ke tla ea."

²¹⁵ Ke enoa A tloha, ho tsamaea joalo. Ntho ea pele lea tseba, monna ke enoa o tsoa tlung ea bona a matha, a re, "Jariuse, u se ke ua khathatsa Monghali, hobane, o se a shoele." Oho, oho, banna! Ke bona pelo ea hae e nyenyan e tlolaka ka ho eena, joalo.

²¹⁶ Ekare ke bona mahlo a matle ao, a bonolo a Jesu a retolohela ho eena, ho re, "Ha Kea ka ka re, 'U se ke ua ts'aba, 'me u tla bona khanya ea Molimo?" Ke Eena tsela ea Molimo e lokiselitsoeng.

²¹⁷ Ho kile ha ba le leqheku la sefolu le bitsoang Bartimea, a lutse likhorong ka tsatsi le leng, a kopa lits'itso. Ho se ho qalella ho bata, ka bo Mphalane. A utloa lerata le theoha ka seterata. "Ebe ke'ng hoo?"

“Khele,” a re, “eo ke—ke Jesu oa Nazaretha.”

²¹⁸ A se ke a sheba . . . A hlobola kobo ea hae. A se ke a e bea fats’e, le ho e phutha hore, le a tseba, a tle a khone ho e phopholetsa ka bofou ha a khutla. A lahlela kobo ea hae kathoko. Molimo o ne a lokisitse tsela, ’me o ne a e latetse. A ile a mathela tlase mono.

²¹⁹ Ba bang . . . ? . . . ba re, “Lula fats’e! Lula fats’e! Ha A na nako ea ho bapala le uena.”

²²⁰ A eketsa ho hoeletsa, “Jesu, Mora Davida, nkauhuele! Nkauhuele!” O ne a phehella ka matla a phunyeletsa. “Nkauhuele! Kea tseba hoba ke Uena tsela e lokisitsoeng mahlo a ka ke Molimo. Oho Morena, nkauhuele!” Ke hantle.

²²¹ Nkile ka bala pale ea sefou Bartimea, ka tsatsi le leng, palenyana. Ba re o ne a foufetse lilemo tse ngata. A ena le moralinyana ea eso ’mone le ka mohla. Bosiu bo bong . . . ’Me o na ee a lule tlase mono seterateng. A ena le konyana. Meh leng eo likonyana li ne li tsamaisa lifofu joalo kaha lintja li etsa kajeno; lintja li tsamaisa lifofu. Ba ne ba koetlisa konyana e tsamaisang lifofu. Eaba e mong o re, ka tsatsi le leng, hore . . .

²²² O ne a ena le maebakhoroana a mabeli ’me a ne a hlaba hloholingoane, *joalo*, ho hohela bahahlauli, ba etelang Jerusalema, kapa ho kena ka—ka motseng, ’me ba lahlele lichelete nkong ea hae. O ne a foufetse.

²²³ Ka hona bosiu bo bong mosali oa hae a kula haholo, ka baka leo a ea ho Morena. A re, “Morena, ha ke na letho. Ke monna oa mofutsana. Ke monna oa sefou. Ha ke na letho leo nka U fang lona. Empa ke lumela ho Uena, Morena. ’Me ha U ka nthekolohela oa phelisa mosali oa ka oa batho, hosane ke tla U neela leebakhoroana la ka e le sehlabelo.” Ebile Morena o folisa mosali oa hae bosiu boo.

²²⁴ A khutlela teng tsatsi le hlahlamang, ka moprista, a neela maebanakhoroana a mabeli e le sehlabelo. Eaba o sala a se na letho haese konyana.

²²⁵ E se khale ka morao ho moo, ngoanana-nyana oa hae a kula. Lingaka tsa sitoa ho mo etsetsa letho. A re, “Morena, ke saletsoe ke ntho e le ‘ngoe feela,’ le ho re, ‘ke konyana. Empa ha U ka lumella ngoanana-nyana oa ka, eo ke eso ho ka ke ‘mona, ha U ka mo phekola, ke tla U etsetsa sehlabelo ka konyana ea ka.’” Eaba Morena o folisa ngoanana-nyana oa hae.

²²⁶ Matsatsi a ’maloa ka mora moo, a tloha a nyoloha ka seterata, konyana eo e mo eteletse pele. Eaba Kaiafa, moprista e moholo, o a tla, ho re, “Bartimea oa sefou, u habile kae?”

²²⁷ A re, “Oho, moprista e moholo, ke ea tempeleng. Konyana e ntataisetza tempeleng; ho etsa konyana ena sehlabelo.”

“Oh,” a rialo, “u ke ke ua etsa ntho e joalo.”

Ho re, “E,” Bartimea.

²²⁸ Ho re, “Ts’oara mona, ke tla u tefo ea konyana. E-ea u reke e ’ngoe.”

²²⁹ A re, “Ha kea ts’episa Molimo konyana *feela*. Ke Mo ts’episitse konyana *ena*, konyana ena.”

²³⁰ Ho re, “Sefofu Bartimea, u ke ke ua nka konyana eo. Konyana eo ke mahlo a hao. U ke ke ua bona ka ntle ho konyana eo. Konyana eo ea u tataisa. Ke mahlo a hao, sefofu Bartimea. U ke ke ua neela ka konyana eo.”

²³¹ Ho thoe, eaba leqheku le thothomela ha nyenyane le re, “Oho moprista e moholo, Molimo o tla hlahisetsa mahlo a sefofu Bartimea konyana e ’ngoe.”

²³² Molimo a hlohonolofatse pelo ea hae! Mohla a ne a utloa ntho eo e atamela e feta; Molimo o ne a hlahisitse konyana. Ke Eo moo a leng teng.

²³³ Ke Konyana e hlahisitsoeng ke Molimo bosiumg bona. Ke Konyana e hlahiselitsoeng mahlo a rona, mahlo a hao a moea. Ke Konyana e hlahiselitsoeng moea oa hao. Ke Konyana e hlahiselitsoeng ho phonyoha ha hao liheleng. Ke Konyana e hlahiselitsoeng khanya ea hao Leholidong.

²³⁴ Na le ke ke la Mo amohela, re sa rapela, re sa inamisa lihlooho tsa rona?

²³⁵ Oho Morena Molimo, ‘Mopi oa maholimo le lefats’e, moqali oa Bophelo bo sa feleng, moabi oa neo e ’ngoe le e ’ngoe e molemo; romella batho bana mahlohonolo a Hao. Bathoana bana ba batho, ba lokisitse temoho, Morena. Empa kea tseba hobane U na le tselo e lokisitsoeng.

²³⁶ O itse, “Joalo kaha ho bile mehleng ea Noe, ho tla ba joalo ho tleng ha Mora motho.” Nako ea ho hlophiso, nako ea mohla... Sebaka se tla lokisetsoa ba batlang ho phema khalefo. Kea rapela, Molimo, hore hona joale, hore... Konyana eo ea Molimo e ileng ea hlahisetsoa mahlo a monna oa sefofu, kapa mosali ea nang le phallo ea mali, e emisitseng phallo ea mali, Konyana e neng e hlahiselitsoe Lasaro ea shoeleng. Molimo, eba le mohau.

²³⁷ Ha ke nahana ka eona, ke eona Konyana e neng e hlahisetsoe mahlo a ka a foufetseng, ka tsatsi le leng; mohla Bara ba Mayo ba ne ba mpolella, lilemo tse tharo tse fetileng, ke se na le ts’peo ea ho boela ke fola le ka mohla. Molimo o ne a hlahisitse Konyana.

²³⁸ Mohla U ne u romela Lengeloi la Hao tlase mane, Leloaleng la Green, le ho re, “E-ea, etsa hona,” ne nka etsa hoo joang ka pela lefats’e le leholo la bohetene le la bo mosadumeleng? Empa Molimo a hlahisa Konyana.

²³⁹ Molimo, kerekana ea ka ea batho mona, Morena, ha ke e sheba! 'Me ke nahana, ka likete tsa limaele ho ts'ela maoatle, le masabasaba a hoammeng le dithaba tsa lehloa! Kamoo ke 'nileng ak lula mono, hangata, ka phaposing e bolutu, ke rapela. Ho nahana mohla ba ne ba pota le koano le ho tsukutla letsoho la ka. Lerole la khale la patsi le hasane fats'e, lifesetere li sisinyeha ha moea o foka.

²⁴⁰ Ke hopola mohla ke tlisang mosali oa ka ea ratehang, 'me, 'me ke mo robatsa tlase mona maotong a sefapano, ke rera phupung ea hae. Ke hopola mohla ke ne ke bona lesea la ka, Morena, le robetseng letsohong la hae.

²⁴¹ Ke hopola Billy Paul oa batho, e monyenyan, eo U mo tlatsitseng ka Moea o Halalelang lihora tse 'maloa tse fetileng. A theohela lebitleng la hae mono hoseng hoo, ho hloma palesa ea Paseka holima lona, 'me a qalella ho lla; ka potisa letsoho la ka molaleng oa thaka leo, 'me ka re, "Molimo o hlahisitse Konyana, nyehelo ea sebe. Ka tsatsi le leng lebitla le le nyenyan lena le tla buleha; mama o tla tsoa, le khaitselinyana o tla tsoa. Molimo o hlahisitse Konyana."

²⁴² Matsatsing a mang ana, Molimo, mohla therou ea ka ea ho qetela e seng e reriloe; mohlomong ke robalitsoe ka hara phaposi, 'me ke utloa mothapo o nyoloha ka sephaka sa ka, leqhubu le batang la lefu le sesa le kena ka hara phaposi ea ka, kaha festere e butsoe, likharetene li pheuleha. Sutumeletsa seketoana sa bophelo he, Morena. Ke tla palama khetlo la ka la ho qetela. Ke tla phuthulla lakane feela. Sekoahela se tla koaloa, 'me kharetene e tla be e nkoahetse.

²⁴³ Ke batla ho tsamaea khohlong ea moriti oa lefu. Ke batla ho fihla Jordane, "Hlekeha tseleng ea ka!" Le ho hoeletsa, "Sutha, Jordane! Kea ts'ela!" Morena, sutumeletsa seketoana sa bophelo ho 'na, he. Nkamohele, na U tla etsa joalo, Morena? Nkamohele he, na U tla etsa joalo, Morena? E seng 'na feela, empa e mong le e mong ka mona, ba ke ba amoheloe mohlang oo, na U tla etsa joalo, Morena? Fana ka sena. Ho tloha mohlang oo, ho tla ba le ba bangata ba rona ba tla ts'ela, le ho khutlela Paradeising le ho phela kamehla.

²⁴⁴ Ntate, ha ho ena le monna kapa mosali ea sa U tsebeng ka mona bosiung bona, ba sa tsebe letho ka boleng, ba eso tsoaloe la bobeli, ba eso fumane tsela e lokisitsoeng ke Molimo, ba ke ba e fumane hona joale, re sa rapela, ka Lebitso la Jesu Kreste.

²⁴⁵ Ka lihlooho tsa lona tse inamisitsoeng, motsoalle oa ka oa moetsalibe. Molimo a hlohonolofatse pelo ea hao. Ba bangata ka ntle kapa ka hare. Moea o Halalelang o teng mona. Na u se u kile ua amohela tsela ea Molimo e tsoang, tsela ea Molimo e lokiselitoeng uena? U ne u ke ke ua etsa letho ho lokeloa ke eona. Molimo o u lokiselitse eona. Na u ke ke ua tla, ho e amohela? Na u ka khona, bosiung bona? Ha ho ena le motsoalle

oa moetsalibe mona, phahamisa letsoho la hao, ho re, “Moena Branham, nthapelle. Ke batla Konyana ea Molimo e lokisitsoeng bophelong ba ka.”

²⁴⁶ Ha re na sebaka sa ho memela aletare aletareng. Ha ho na sebaka, ka hona u koptjoa ho phahamisa letsoho la hao feels. Na u ka etsa joalo, moetsalibe? Molimo a u hlohonolofatse, monghali. Molimo a u hlohonolofatse, monghali. ’Me Molimo a u hlohonolofatse, khaitseli. Molimo a u hlohonolofatse, le uena.

Morao ka mots’eo, hape, ho na le motho e mong morao mono?

²⁴⁷ Ka mona ka letsohong le ka le letona joale? Molimo a u hlohonolofatse. Molimo a u hlohonolofatse. Molimo a u hlohonolofatse. Motho e mong o sele ea ka phahamisang letsoho la hae, ho re, “Nkhopole. Oho Molimo, nkauhhele bosiung bona, Bophelo ba Hao ba Konyana.” Molimo a u hlohonolofatse, khaitseli. Kea u bona, uena ea lutseng mona.

²⁴⁸ Motho e mong ka ntle, nyoloha ’me u bee matsoho a hao sefenstereng, ’me u re, “Moena Branham, u nkhopole. Ke batla tsela e lokisitsoeng ea Molimo.”



TSELA EA MOLIMO E ETSELITSOENG RONA SST52-0900
(God's Way That's Been Made For Us)

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka, Lwetse, 1952 mane Tabernakeleng ya Branham mane Jeffersonville, Indiana, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 2006 ke ba ha:

©2006 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org